

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
JAVNA USTANOVA APOTEKA „ZDRAVLJE“ ZENICA
PRIVREMENI UPRAVNI ODBOR**

Broj: 22-20/2-6572
Zenica, 28.08.2026. godine

Na osnovu člana 66. Zakona o zdravstvenoj zaštiti („Službene novine Federacije BiH“, br. 46/10 i 75/13), članova 28., 29., 31. i 32. Statuta JU Apoteka „Zdravlje“ Zenica broj: 22-20/2-6352/12 od oktobra 2012. godine i broj: 22-20/2-7010 od 30.08.2021. godine, a u vezi sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) i Odluke Privremenog upravnog odbora JU Apoteka „Zdravlje“ Zenica o raspisivanju Javnog oglasa broj: 22-20/2-6571 od 28.08.2026. godine, Privremeni upravni odbor JU Apoteka „Zdravlje“ Zenica objavljuje

J A V N I K O N K U R S
za izbor i imenovanje direktora Javne ustanove Apoteka „Zdravlje“ Zenica

Objavljuje se Konkursza izbor i imenovanje direktora Javne ustanove Apoteka „Zdravlje“ Zenica (u daljem tekstu: Ustanova).

Direktora Javne ustanove Apoteka „Zdravlje“ Zenica imenuje Upravni odbor uz prethodnu saglasnost Gradonačelnika.

Mandat Direktora Apoteke traje četiri (4) godine.

OPIS POZICIJE

Direktor je nadležan i odgovoran da: organizuje i vodi poslovanje Apoteke; zastupa i predstavlja Apoteku prema trećim licima; predlaže Upravnom odboru mjere za efikasno i zakonito obavljanje djelatnosti za koje je Apoteka osnovana; predlaže Upravnom odboru opće akte koje donosi Upravni odbor; predlaže osnove Plana i razvoja; izvršava plan raspodjele finansijskih sredstava; izvršava odluke Upravnog odbora; odgovara Upravnom odboru za rezultate rada i finansijsko poslovanje Apoteke; naredbodavac je za izvršenje finansijskog plana; određuje lica ovlaštena za potpisivanje finansijske dokumentacije; daje punomoć za zastupanje Apoteke; odlučuje o raspolaganju novčanim sredstvima u skladu sa Statutom; odlučuje o potrebi zaključivanja ugovora o radu i o prestanku, odnosno otkazu ugovora o radu kao i drugim pravima i obavezama iz radnog odnosa u skladu sa zakonom i Pravilnikom o radu; odlučuje o upućivanju zaposlenika na službeni put, specijalizaciju ili druge oblike stručnog usavršavanja; imenuje članove stručnog savjeta Apoteke; imenuje članove Komisije za prigovore pacijenata; obrazuje komisije, radne grupe i druga radna tijela za razradu određenih pitanja ili pripremu stručnih materijala, elaborate i slično; jednom u šest mjeseci dostavlja Gradskom i Kantonalnom zdravstvenom savjetu izvještaj o zaprimljenim riješenim prigovorima pacijenata, uključujući i uvezivanje podataka o prigovorima sa podacima o nepovoljnim događajima i sudskim postupcima, te obavlja i druge poslove u skladu sa zakonom, Statutom i općim aktima Apoteke.

II OPĆI USLOVI

Kandidat koji se prijavljuje na poziciju direktora Ustanove mora ispunjavati sljedeće opće uslove:

1. da je stariji od 18 godina,
2. da je državljanin Bosne i Hercegovine,
3. da je zdravstveno sposoban za obavljanje dužnosti direktora,
4. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije,
5. da se na kandidata ne odnosi član IX.1. Ustava Bosne i Hercegovine,
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
7. da nije izabrani dužnosnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine,
8. da nema privatni i/ili finansijski interes u javnoj ustanovi u kojoj se kandiduje,
9. da nije osuđivan za krivično djelo i za prekršaj nespojiv sa dužnošću u javnoj ustanovi u kojoj se kandiduje, pet godina od dana pravosnažnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti javne ustanove u kojoj se kandiduje.

III POSEBNI USLOVI

Kandidat koji se prijavljuje na poziciju direktora, pored općih uslova, mora ispunjavati i sljedeće posebne uslove:

1. da ima završen farmaceutski fakultet;
2. da ima najmanje pet godina radnog iskustva u struci;
3. da posjeduje znanje o zdravstvenom menadžmentu koje dokazuje certifikatom o obavljenju edukaciji iz zdravstvenog menadžmenta, i to sva tri nivoa edukacije u skladu sa propisima o kontinuiranoj profesionalnoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta.
4. da ima licencu za samostalan rad izdatu od nadležne komore.

IV POTREBNI DOKUMENTI

Uz svojeručno potpisanu prijavu kandidat treba dostaviti:

1. kraću biografiju sa adresom i kontakt telefonom,
2. diplomu o završenom obrazovanju (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992. godine),
3. dokaz o traženom radnom iskustvu nakon sticanja tražene stručne spreme (potvrda/uvjerenje iz koje se može utvrditi radno mjesto, tražena stručna sprema za radno mjesto i dužina radnog iskustva),
4. uvjerenje o državljanstvu (ne starije od 6 mjeseci),
5. izjavu kandidata ovjerenu od strane nadležnog organa o činjenicama nabrojanim u tačkama 4. do 8. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost općih uslova za imenovanje iz tačke 3.9. i 10. izabrani kandidat dostavit će Ustanovi u roku od 10 dana od dana prijema obavještenja o izboru najuspješnijeg kandidata. Uvjerenja ne mogu biti starija od datuma objavljivanja Oglasa.

Dokumenti koji se prilažu uz prijavu moraju biti originali ili ovjerene kopije.

Nepotpune, neuredne i neblagovremene prijave neće se uzimati u razmatranje, a kandidati će o tome biti obaviješteni u roku od tri dana od dana otvaranja prijava.

Sa kandidatima koji budu ispunjavali uslove iz Javnog Oglasa obaviti će se intervju, a o mjestu i vremenu održavanja intervjua bit će telefonski i pismeno obaviješteni.

Kandidati koji budu ispunjavali uslove iz Javnog konkursa bit će obaviješteni o Odluci o imenovanju direktora Ustanove u roku od osam dana od dana donošenja odluke.

Po okončanju procedure po Javnom konkursu, priložena dokumentacija neće se vraćati kandidatima, osim na osnovu pismenog zahtjeva kandidata.

Javni konkurs će se objaviti u “Službenim novinama Federacije BiH”, dnevnom listu “Dnevni avaz”, na internet stranici Grada Zenica.

Javni Oglas ostaje otvoren 15 dana od dana posljednjeg javnog objavljivanja.

Prijave sa potrebnom dokumentacijom dostavljaju se u zatvorenoj koverti, lično na protokol Ustanove ili preporučeno poštom, sa naznakom:

**“Prijava na Javni konkurs za izbor i imenovanje
direktora Javne ustanove Apoteka „Zdravlje“ Zenica
- NE OTVARATI - ”
Javna ustanova Apoteka „Zdravlje“ Zenica
UPRAVNI ODBOR
Sarajevska br. 35,
72 000 Zenica**